



## **TOSHKENT DAVLAT YURIDIK UNIVERSITETI REKTORINING B U Y R U G ' I**

2021-yil 28-may

08-139-son

### **Тошкент давлат юридик университети Медиа маркази тўғрисидаги низомни тасдиқлаш тўғрисида**

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ-5987-сон Фармони, Ўзбекистон Республикаси Вазирлар Маҳкамасининг 2019 йил 15 октябрдаги “Ўзбекистон Республикаси Адлия вазирлигининг юридик коллежлари моддий-техник базасини мустаҳкамлаш чора-тадбирлари тўғрисида”ги 873-сон қарори, Ўзбекистон Республикаси адлия вазирининг 2020 йил 21 октябрдаги 194-ум-сон буйруғи ҳамда Тошкент давлат юридик университети (кейинги ўринларда – университет) ректорининг 2020 йил 27 октябрдаги 08-207-сон, 2021 йил 4 майдаги 08-117-сон буйруқларига мувофиқ

### **Б У Ю Р А М А Н**

1. Университет Медиа маркази тўғрисидаги низом иловага мувофиқ тасдиқлансин.
2. Университет Медиа маркази (У.Уринов) ўз фаолиятини низом талабларига мувофиқ ташкил этсин.
3. Ушбу буйруқнинг бажарилишини назорат қилиш ёшлар масалалари ҳамда маънавий-маърифий масалалар бўйича проректор А.Хашимхоновга юклатилсин.

**Ректор**



**Р.Хакимов**

**Лойиҳа киритди:**

Юридик бюро

катта юрисконсулти

Э.Хосилов

**Келишилди:**

Проректор

И.Рустамбеков

Проректор

А.Хашимхонов

Проректор

И.Рустамбеков

Проректор в.б.

А.Иминов

Медиа марказ директори

У.Уринов

Мониторинг ва ташкилий-назорат  
бошқармаси бошлиғи

Д.Махкамов

**Тошкент давлат юридик университетининг  
Медиа маркази тўғрисида  
Низом**

**I. Умумий қоидалар**

1. Тошкент давлат юридик университетининг (кейинги ўринларда – университет) Медиа маркази (кейинги ўринларда – Марказ) Ўзбекистон Республикаси Президентининг 2020 йил 29 апрелдаги ПФ-5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармони, Ўзбекистон Республикаси Вазирлар Маҳкамасининг 2019 йил 15 октябрдаги “Ўзбекистон Республикаси Адлия вазирлигининг юридик коллежлари моддий-техник базасини мустаҳкамлаш чора-тадбирлари тўғрисида”ги 873-сон қарори ҳамда университет Кенгашининг 2020 йил 21 майдаги 4-сон қарори, Ўзбекистон Республикаси адлия вазирининг 2020 йил 21 октябрдаги 194-ум-сон буйруғи, университет ректорининг 2020 йил 27 октябрдаги 08-207-сон, 2021 йил 4 майдаги 08-117-сон буйруқларига мувофиқ ташкил этилган.

2. Марказ университетнинг таркибий бўлинмаси бўлиб, университетдаги фото, видеотасвирга олиш ва видеомонтаж ишларини амалга оширади.

3. Марказ ўз фаолиятини Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президентининг фармон, қарорларига, Ўзбекистон Республикаси Вазирлар Маҳкамасининг қарорларига, Ўзбекистон Республикаси Адлия вазирлиги ҳамда Олий ва ўрта махсус таълим вазирлигининг ҳайъат қарорлари, буйруқлари, университет Устави, университет Кенгаш қарорлари, университет ректорининг буйруқлари ҳамда мазкур низомга мувофиқ олиб боради.

4. Марказ бевосита Ёшлар масалалари ва маънавий-маърифий ишлар бўйича проректорга бўйсунди ва ўз фаолиятини Жамоатчилик ва ОАВ билан алоқалар бўлими билан мувофиқлаштиради.

## **II. Марказнинг вазифалари ва функциялари**

5. Марказнинг асосий вазифалари қуйидагилардан иборат:

университет тадбирларини фото, замонавий усулларда видеотасвирга олиш, видеомонтаж ишларини бажариш, сценарий ёзиш, ўқув, хужжатли, қисқа метражли фильмлар ҳамда ижтимоий роликлар яратиш;

Ўзбекистон Республикаси давлат байрамларига бағишлаб кўрсатувлар ва видеороликлар тайёрлаш;

университет, юридик техникумлар ва академик лицей педагоглари билан ҳамкорликда мультимедиа видеоматериал, тақдиротлар яратиш ва бошқа медиалойиҳалар устида ишлаш;

юридик техникумлар ва академик лицей ўқувчиларининг ўқув машғулотларининг сифати, самарадорлигини ҳамда ҳуқуқий саводхонлигини оширишга қаратилган видеоконтент яратиш;

соҳага оид тўғрақларни ташкил қилиш, иқтидорли ва қизиқувчан талабаларни ижодий жараёнга, жумладан сценарийлар ёзиш, креатив лойиҳалар яратиш, фильм ва видеороликлар тасвирга олишга жалб қилиш, фаол талабаларни рағбатлантириш борасида таклифлар киритиш;

“Зулфия” мукофоти совриндорлари, спортда юксак ютуқларга эришган, юртимиз ва хорижий давлатлар мукофотларига сазовор бўлган, университетнинг иқтидорли ва фаол талаба ҳақида мотивацион видеороликлар, фильм-портретлар ва хужжатли фильмлар тасвирга олиш;

халқаро ва республика миқёсида ўтказиладиган танловларда иқтидорли талабаларга видеоматериаллар тайёрлаш;

университет ижодий имиджини шакллантириш, таълим, фан ва амалиёт интеграцияси, тадқиқот ҳамда халқаро ҳамкорлик фаолиятини тарғиб қилувчи видеоконтент яратиш, янгилаб бориш;

университет ижтимоий тармоқлари учун видеоконтент яратишда илғор хорижий ОТМлар мультимедиа фаолиятини ўрганиб, ўз ижодий ишларида тадбиқ қилиш ва кенг оммага тарғиб қилиш;

университетда ташкил қилинган талабаларнинг радиостанциясини ТДЮУ биноларида мунтазам равишда радиоэшиттиришлар фаолиятини таъминлаш ва такомиллаштириш;

бошқа юридик ва жисмоний шахсларга белгиланган тартибда шартнома асосида реклама ва бошқа мавзуларда видеомаҳсулотлар яратиш, бошқа соҳага оид хизматлар кўрсатиш;

педагоглар, ходимлар ҳамда талабалар ўртасида спортни, маданиятни, китобхонликни, соғлом маънавий муҳитни оммалаштириш мақсадида университет кафедра ва бўлимлар билан ҳамкорликда тўғараклар фаолиятини ёритадиган видеороликлар яратиш.

### **III. Марказнинг ҳуқуқ ва мажбуриятлари**

6. Марказ ўзига юклатилган вазифа ва функцияларни бажаришда қуйидаги ҳуқуқларга эга:

ўз фаолиятига оид таклифлар билан университет кенгашига ва раҳбариятига мурожаат қилиш;

ёшлар масалалари ҳамда маънавий-маърифий масалалар бўйича проректор билан келишган ҳолда педагоглар ҳамда талабаларни тасвирга олиш жараёнига жалб қилиш;

мазкур низомда белгиланган вазифа ва функцияларни амалга ошириш мақсадида факультетлар, кафедралар ва таркибий бўлинмалар ҳамда бошқа нодавлат нотижорат ташкилотлари билан бевосита ҳамкорлик қилиш;

университет моддий-техник базасини ва ижодий муҳитни ривожлантириш бўйича раҳбариятга мунтазам таклифлар киритиб бориш.

Марказ қонунчилик ҳужжатларига мувофиқ бошқа ҳуқуқларга ҳам эга бўлиши мумкин.

7. Марказ ўзига юклатилган вазифа ва функцияларни бажаришда қуйидаги мажбуриятларни бажаради:

университетнинг Кенгаши қарорлари ҳамда ректор буйруқлари билан Марказга юклатилган вазифаларни ҳамда университет раҳбариятининг бошқа топшириқларини ўз муддатида ва сифатли бажариш;

ўз фаолияти ҳақида ректорга ва ёшлар масалалари ҳамда маънавий-маърифий масалалар бўйича проректорга мунтазам равишда ахборот бериб бориш;

Марказнинг иш режаларини тузиш ва уларни ижросини таъминлаш.

Марказ қонунчилик ҳужжатларига мувофиқ бошқа мажбуриятларни ҳам бажариши мумкин.

#### **IV. Марказ фаолиятини ташкил қилиш тартиби**

8. Марказга университет ректори томонидан лавозимга тайинланадиган ва лавозимидан озод қилинадиган директор бошчилик қилади. Марказ директори ўз фаолиятида бевосита ёшлар масалалари ҳамда маънавий-маърифий масалалар бўйича проректорига бўйсунди ва унинг олдида ҳисобдордир. Марказ директори ўз фаолиятини Жамоатчилик ва ОАВ билан алоқалар бўлими бошлиғи билан мувофиқлаштиради.

9. Марказ ходимлари, қоида тариқасида, санъат ва маданият мутахассисликларига эга бўлган кадрлардан ташкил топади. Марказга унинг зиммасига юкланган вазифалар ва функцияларни бажариш учун бошқа йўналишлардан ҳам мутахассислар жалб қилиниши мумкин.

10. Марказ директори:

Марказ фаолиятига раҳбарлик қилади ҳамда марказга юкланган вазифалар ва мажбуриятлар бажарилиши учун шахсан жавоб беради;

Марказ ходимлари ўртасида вазифаларни тақсимлайди;

Марказнинг иш режаси ва ҳисоботларини тайёрланишини таъминлайди; университет ректори ва ёшлар масалалари ҳамда маънавий-маърифий масалалар бўйича проректорга марказ фаолиятига оид муҳим масалалар юзасидан мунтазам равишда ахборот беради;

Марказ ходимлари томонидан университетнинг Ички тартиб қоидалари (ички меҳнат тартиби қоидалари), Одоб-ахлоқ кодекси ва бошқа локал ҳужжатлари талабларига риоя этилишини таъминлайди;

Марказ фаолият самарадорлигини ошириш борасида изланишлар олиб боради;

университет раҳбариятига Марказ ходимларини рағбатлантириш, интизомий жавобгарликка тортиш тўғрисида таклифлар киритади;

Марказ ходимларидан меҳнат интизомини бузганлик, юклатилган вазифаларни ўз вақтида ёки лозим даражада бажармаганлик ҳолатлари юзасидан тушунтиришлар олади;

ўз ваколати доирасида тегишли ҳужжатларни имзолайди;

Марказ ходимлари ўртасида вазифаларни тақсимлайди ва функционал вазифалар, аниқ топшириқларнинг бажарилиши учун ҳар бир ходимнинг жавобгарлик доирасини белгилайди;

университет раҳбарияти топшириқлари, буйруқлари ва кўрсатмаларининг Марказ ходимлари томонидан бажарилишини текширади, ҳужжатларнинг ўз вақтида ижро этилишини назорат қилади;

Ўз ваколатлари доирасида бошқа вазифаларни амалга оширади.

**11. Марказ ходимлари:**

Ўз фаолиятини университет раҳбарияти билан келишилган ва тасдиқланган мансаб йўриқномаларига мувофиқ амалга оширади;

мазкур низомга мувофиқ марказ зиммасига юклатилган вазифаларни амалга оширилишини таъминлайди;

марказ директорининг кўрсатмаларини бажаради;

Ўз зиммасига юклатилган вазифаларнинг сифатли ва ўз вақтида бажарилиши учун шахсан жавобгардир.

12. Марказ томонидан тайёрланадиган видеомаҳсулот (видеоконтент) сценарийси мавжуд бўлганда ёшлар масалалари ҳамда маънавий-маърифий масалалар бўйича проректор билан, ўқув жараёнига оид видеомаҳсулот (видеоконтент) ўқув ишлари бўйича проректор билан, университет ҳаётини ОАВ ва ижтимоий тармоқларда ёритиш билан боғлиқ видеомаҳсулот (видеоконтент) эса Жамоатчилик ва ОАВ билан алоқалар бўлими орқали ректор билан келишилади. Ушбу тартибда келишилмаган видеомаҳсулот (видеоконтент)ни тарқатиш ман этилади.

## **V. Якуний қоида**

13. Марказни қайта ташкил этиш ва тугатиш қонунчилик ҳужжатларида белгиланган тартибда амалга оширилади.